

Jus Canonicum Practice Explicatum, Seu Decisiones Casuum

Ad Singulos Decretalium Gregorii Papæ IX. Titulos, & ad consuetum
Referendi modum accommodatæ. Opus Novum

Complectens alteram Decretalium medietatem, videlicet nonaginta duos
Titulos, à Titulo XX. libri III. de Feudis usque ad finem

Pichler, Vitus

Ingolstadii, 1734

Quæstio. An Constitutio Pœnalis & Revocatoria, speciatim Benedicti XIII.
de Asylo, in Provinciis non promulgata, in ijs obliget?

[urn:nbn:de:hbz:466:1-62204](https://nbn-resolving.de/urn:nbn:de:hbz:466:1-62204)

pœna defendit, dudum in his partibus recepta, adeoque eam corrigit & revocat quoad hoc puncum. Quodato responso exarsit Disputatio fervens, & Reverendissimus, ingenio & lingua promptissimus, simul tamen modestissimus, & hilariter facetus, quasi nihil agendo ad duas horas ad

raucedinem usque me clamantem, & quod respondi, defendere conantem, benignè audivit, suis objectib⁹ minimè contemnendis me fatigans in omni amicitia & gratiola suavitate. In hujus tanti viri venerationem ventilanda mihi hoc loco digna videtur

Q U A E S T I O .

*An Constitutio Pontificia Pœnalis & Revocatoria, speciatim
Benedicti XIII. de asylō, in Provinciis non promulgata, in
iis obliget?*

PROSPER FARINACIUS CONSILIORUM CRIMINALIUM lib. 2. Consil. 149. in quadam causa, in qua erat defensor Fisci pœnam sibi depositentis, contendebat obligare, at non omnino evicit, quia in fine testatur, causam suis se expeditam per compositionem. Allegabat pro se Bellamer. Henricus Boich. Anton. Burgos. testantem de veriori, Quintil. Mandos. Paulum de Eleazar. Zaborell. Jo. Andr. Jo. Menoch. Card. Alexandrin. Hostiens. Rosell. Navarrum in Consil. Tit. de Constit. Abbatem, sibi tamen non constantem, aliosque.

Hæc opinio probari potest & solet his argumentis. 1. per solam promulgationem novæ Constitutionis factam Romæ habentur omnia novæ Legis constitutiva, & jam datur intentio Legislatoris, totum mundum Christianum obligandi, eo quod

Promulgatio Romana talis sit, ut elaps⁹ moraliter sufficiente tempore divulgi ita queat, ut in exteris quoque provinciis ad omnium notitiam pervenire possit, ac pervenisse presumendum sit: ergo omnes, etiam in exteris provinciis existentes, jam obligati, licet specialis ac solennis ibi promulgatio non fiat. 2. Nulla lex Ecclesiastica reperitur, quæ ultra Romanam requirat alibi novam promulgationem, & licet Leges Civiles requirant novarum Constitutionum promulgationem in singulis provinciis faciendam, ut ibi obligent, Ecclesia tamen illas nunquam acceptavit: ergo novæ Constitutiones Ecclesie non exigunt promulgationem aliam in singulis provinciis faciendam, ut ibi obligent. 3. Quando Pontifices nolunt obligare exteris sine speciali promulgatione alibi facienda, & ad Ita-

Italiam novas restringere leges, id solent disertè exprimere, ut Clemens VIII. in Conf. sua 83. & Innoc. X. in sua Confit. 13. § 28. to. 4. Bullarii ergo, ubi id non exprimitur disertè, ut ordinariè non exprimunt, obligare intendunt exteros sine speciali apud ipsos facienda promulgatione. 4. Ecclesia quam maximè desiderat in suis fidelibus conformitatem: sed hanc non obtineret, si novæ ipsius leges, quas plerumque solum Romæ promulgari facit, in externis provinciis non obligarent; ex quo sequeretur magna confusio, magna perturbatio. 5. Praxis obtinet & consuetudo, ut causæ gravissimæ variarum Nationum decidantur secundum Constitutiones solum Romæ promulgatas. Farinac. lo. cit. n. 2. Erasin. Chockier de Jurisd. Ord. in Ext.empt. p. 1. q. 50. n. 7. imò ut puniantur transgressores: sed quo jure sient haec decisiones, & poena graves infliguntur, si Constitutiones solum Romæ promulgatae non obligent in exteris Provinciis etiam in foro interno, cum Ecclesia non puniat nisi propter culpam veram, aut præsumptam, in conscientia contractam, & poena non habeat locum, ubi culpa vel delictum non præcessit. can. dignum. caus. 3. q. 9. § c. sine culpa. de R. J. in 6. ergo lana ratio non perrauit, ut innocentes cum nocentibus ad paria judicentur. Videant proin, ut sibi non nemo videretur salubriter monere, sententiæ contrariae Patroni, quam dura, quam difficulta contra æquitatis ratio-

nem, quam aliena à suavi ac sancto Ecclæ regimine admittere debeant.

Hæc omnia autem, quamvis istam sententiam verè probabilem reddere valeant, mihi non videntur esse tanti roboris, ut contrariae, quam semper habui pro æquiori & probabiliori, non porro subscribam. Moveor primò auctoritate Doctorum, qui communius eam amplectuntur ut factetur ipse Farinac, hic Adversarius. d. l. n. 3. 4. atque n. 5. existimat, si Iesus, pro quod agebat ad poenam, non habuisse alia fundamenta, eum ex hoc capite, quod proulgatio novæ legis non sit necessaria ad obligandos exteros, præsertim si lex sit poenalis, facile succubiturum fuisse. Eandem opinionem, quæ exigit proulgationes in Provinciis exteris, apud eundem Farinac. vocant communem & magis communem Mantua, Angel. Capr. Alex. Buratus & ali, veram autem & æquam, imò æquorem, Fran. Const. Senen. & Aufr. præsertim si lex sit poenalis, ut hæc nostra, de qua agimus, quo in casu non pauci ex Adversariis quoque nobiscum sentiunt ex communi Doctorum distinctione, ut Alciat. Bellarm. Corn. Gabriel &c. allegat quoque totam idem Farinac. Idem sentiunt & alii DD. alias Adversarii cum Eximio Suarez, & magno Laymanno, de lege irritante, suspensive, annullante, revocante, sicut de puniente, de qua hic sermo. Absolutè autem de omni lege nova Pontificia universali, ut obliget in exteris

(R. P. Pichler Decis. T. 2.)

* Ff

Pro-

Provinciis, specialem in his promulgationem, aut aliud ei æquivalens, exigunt præter dictos Armill. Solus. Beccan. L. 1. de J. & J. l. 2. c. 22. dubit. 13. Nicol. Serar. disp. de Legib. à n. 56. Molinat. 2. de J. & J. d. 395. an. 6. Zypæus Anal. Jur. Pontif. adit. de Consit. n. 1. Gibalin. descient. Canon. l. 7. c. 2. q. 1. Nav. in Man. c. 23. n. 44. licet in consiliis tit. de consit. conf. 11 oppositum tenuerit, atque ex Nav. & Alex. nostram quoque sententiam duci communem notat Cherubin. in Compendio Bullarii to. 3. ad consit. 95. Addidi, vel per aliud promulgationi æquivalens, per quod nolim intelligi notitiam claram vel sufficientem legis aliunde & quomodounque obtentam, sed vel receptionem, usum, & observantiam communem, quo modo, licet nunquam fuerit promulgata in nostris partibus, stringit Bulla Cœnæ, & alia nonnulla: vel mentem Pontificis clarè expressam, quod intendat obligare ubique sine alia promulgatione, vel forte etiam promulgationem præsumptam, quæ præsumptio post longum tempus, præsertim si alia conjectura accedant, in casu dubii inducitur teste Farinac. n. 7. cum Menoch. & Mascard. mihi autem neganda videtur hæc præsumptio, cum præsumi non debeant, quæ in facto consistunt, sed convincenter probari, præsertim ubi agitur de imponendo onere.

Probatur assertio 1. ex communi regula, in c. 1. de N. O. N. tradita, vi cuius generaliter Jus Canonicum se-

quitur Leges Civiles in materia non spirituali, & peccatum non concerne nente vel immunitatem Ecclesiasticam, ubi Leges Civiles clare aliquid statuunt, Jus autem Canonicum nihil, vel non clare aliquid statuit. Sed Leges Civiles in Nov. 66. rubr. & c. 1. requirunt clare promulgationem Legis novæ pro toto Imperio late in singulis provinciis, ut in iis habeant vim obligandi: ergo. Neque dicas, illam regulam ex c. 1. de N. O. N. desumptam locum habere tantum in causis Judicialibus; cum planè hoc restricō regulæ tam universaliter posita à Summo Pontifice fiat gravis & sine sufficienti fundamento. Dein si saltem in causis Judicialibus procedat, cur tribunalia Romana eam non observant, & in praxi, uti dicunt Adversarii, causas decidunt, & penas infligunt contra hanc regulam Juri proprii? Athinc, inquires, per Jus Canonicum consuetudinariū dicta regulæ & Juri Civili, promulgationem in singulis Provinciis requirenti, derogatum est. Sed esto, Roma derogatum esse per consuetudinem contrariam, at ista non est universalis, non viget ubique: ergo saltem alibi viget adhuc regula generalis ac manifesta Juris Canonici, Leges Civiles imitantis, ubi Jus Canonicum scriptum ac debite promulgatum nihil aliud, saltem clare, statuit.

Prob. 2. Ex Bulla sicut ad Sacrarum Pii IV. ubi Pontifex datationem, cur decreta morum Concilii Tridentini noluerit obligare ante lapsum 3. men-

mensium à promulgatione, & nisi in singulis Parochiis fuerint promulgata, scilicet hanc, in die 2. Nov. 66. rubr. contentam, quia Iure etiam Communi sancitum est, ut constitutiones nove vim non nisi post certum tempus obtineant: ergo Papa generaliter approbat Leges Civiles, quæ post promulgatam in Provinciis singulis legem nolunt obligare ante lapsum certi temporis, quod quidem de Jure Civili est solum bimestre, ibi autem specialiter Pontifex statuit trimestre, sicut specialiter in singulis quoque parochiis Tridentinum promulgari voluit, cum tamen de Jure Communi (nempe Civili, quod in reliquis imitari velle videntur Sacri Canones) sufficiat in singulis Provinciis: ergo Pontifex generaliter amplectitur Jus Civile quoad promulgationem in singulis provinciis, & ab hac facta lapsum 2. mensium, nisi ipse specialiter aliud exprimat, & in parochiis quoque promulgationem exigat, aut lapsus majoris temporis post illam requirat. Confirmatur ex c. 12. de Penit. ubi dicitur, Medicos, qui pergunt visitare agros periculosè decumbentes, & non curant, ut ægri vocent medicum anima seu confessarium, illa legé, quæ ipsos ab ingressu Ecclesiæ arceri præcepit, non teneri, nec poenæ subjacere, antequam Prælati locorum particularium hanc legem promulgaverint: ergo Pontifex se conformat Juri Civili, & speciale in Provinciis legum Eccle-

sasticaruna promulgationem requirit ultra Romanam, nempe ut in Provinciis externis obligent.

Dices 1. hanc legem quidem non stringere ante novam promulgationem quoad illam partem, secundum quam statuit poenam, non tamen quoad alteram partem, secundum quam præcipit medicis, ut moneant ægrum, ut advokeret medicum spiritualem. Ita cum Suan Palao, & Navarro quidam Neotericus in tract. de Legib. (quem vocat Scientiam Legum) p. 1. c. 1. §. 2. n. 43. Dices 2. textus c. 12. cit. continet casum particularem, & exemptionem à regula & via ordinaria, per quam firmatur potius regulain oppositum, ac tacite insinuatur, semper & universaliter, ubi Pontifex non expresse requirit promulgationem in particularibus locis & Provinciis, obligationem legis statim ubique induci, quando- & quomodounque notitia illius ad externas provincias devenerit, vel saltem devenisse ex lapsu temporis proportionaliter necessario præsumi potest; donec enim notitia novæ legis pervenerit ad exteriores, promulgatio nondum est omnino completa. R. Ad 1. Imprimis sine fundamento assertur, dictam legem pro medicis latam, cum prorsus una eadēmque sit, ac de tota lege sine ulla distinctione Pontifex dicat, eam esse, antequam obliget, promulgandam in locis particularibus, quoad partem quidem poenalem, non vero quoad præcipi-

Ff 2. entem

entem opus habere nova promulgatione. Deinde si quoad partem pœnalem opus habet promulgatione nova, saltem lex Pontificia pœnalis, de cuiusmodi hic est quæstio, debet promulgari in Provinciis, quod tam illa Neotericus negat. Ad 2. Negatur, quod sit exceptio à communi regula, sed potius dici debet exemplum seu declaratio recepti generaliter Juri Civili pro omni casu, in quo Jus Canonicum vel Papa non clare exprimit, se intendere in omnibus Provinciis sine alia inibi facienda promulgatione legi tribuere vim obligandi; cum enim Jus Canonicum generaliter receperit Leges Civiles in c. i. de N.O.N. ubi nihil diversi statuit, ac insuper Pius IV. se referat & quasi fundat in Lege Civili promulgationem in singulis provinciis exigente, ut suprà ex adjecta à Pontifice ratione annotavimus, & sic legem istam Civilem specialiter quoque approbet & quasi canonizer, verisimilius planè videtur esse, quod mens Pontificum sit generaliter hac in parte sequi: Jus Civile promulgationem in Provinciis requirens ad hoc, ut novæ leges ibi obligent.

Prob. 3. Ex ratione. Siquidem illa ipsa causa, quæ induxit Imperatores, ut nolent obligare suas leges novas pro toto Imperio latas, antequam in singulis provinciis promulgarentur, & à die promulgationis fluxissent duo menses, reperitur etiam in Lege Ecclesiastica nova pro toto mundo Christiano lata, scilicet ut

vitetur confusio, perturbatio, disformitas in populo Christiano, cum hi obligarentur, alii non, hi citius, alii serius, scilicet propter ignorantiam, quæ haud immorito obtendi potest à remotoribus ab Urbe populis, licet forte per accidens ad aliquos in particulari pervenerit notitia: quaenam ratione præsumi potest, quod adremotiores populos, & quosvis in particulari, vel ad majorem partem pervenerit, etiam post longum & longissimum tempus, notitia legis locùm Romæ promulgata, licet nemo ex officio curet notitiam perferre ad exterias nationes per promulgationem competentem & tali modo factam, ut singulæ nationes mentem Legislatoris intelligere valeant? Id quod magis adhuc procedit, si hujusmodi leges novæ frequenter ferantur, ut hodie contingit, dum tot Bullæ & Constitutiones Pontificæ emanant. Hæc ratio singulariter efficax est in legibus pœnaliibus, irritantibus, revocatoris &c. ita ut non pauci ex Adversariis cum Suar. & Laym. agnoscant, has leges in Provinciis promulgandas esse, ut obliquent. Sed ubi est eadem ratio, ceteretur quoque esse eadem Juris dispositio, si Jus non expresse aliud statuat, per l. illud. ff. ad L. Aquil. l. illud. C. de SS. Eccles. Jus autem Canonicum nullibi diversum quid statuit in hoc puncto à Jure Civili: ergo.

Dices 1. Licet hæc ratio potuisse Pontifices permovere, ut idem statuerent, quod Leges Civiles: sed de facto

facto non permovit, cùm praxis & consuetudo sit contraria. 2. Non æqualiter pugnat eadem ratio in Legibus Ecclesiasticis & Imperialibus; nam hæ concernunt forum & actus externos, illa verò animum præcipue & forum internum. *R.* Ad 1. Defacto permovit Pontifices, cùm ex una parte generaliter sequi velint, Leges Civiles, ubi speciale ac diversum non ordinant, exalteraverò nihil diversi statuerint, vel legem contrariam nullibi posuerint. De Praxi & consuetudine infra. Hic sufficit, modo Adversarii paritatem rationis agnoscant, propter quam Leges Ecclesiasticæ in hoc puncto non rece-
dant à Civilibus. Ad 2. Quare non pugnet ratio æqualiter etiam in Ecclesiasticis Legibus, cùm hæ non minùs per se, directe, ac immediate spectent tranquillitatem ac felicitatem reipublica Christianæ per actus externos & in foro externo promovendam, quam Leges Civiles tranquillitatem & felicitatem politicam per dictos actus externos obtinen-
dam, hec simul ligent conscientiam (quod & Leges Imperiales faciunt) ac animum bene disponant, ac ultimatè homines fideles ad salutem & felicitatem supernaturalem dirigere intendant?

Prob. 4 Ex convenientia & con-
ducibilitate ad suavius regendam Ec-
clesiam, vastissimum corpus, toto
mundo diffusum, & constans ex di-
versissimis Nationibus, inter se mul-
tum discrepantibus genio, indole,

moribus &c. Atque ideo dari possunt in particularibus Provinciis speciales rationes, atque circumstantiæ, propter quas novæ leges potius obessent quam prodeßent, ac non sine violentia, vel saltē sine fructu aut spe obseruationis, obtruderentur cum dispendio animarum ac prostitutione potestatis Ecclesiasticae: ergo valde expedit Pontifices non statim obligare exercas nationes facta promulgatione Romana, antequam per Archi- & Episcopos, qui melius nōrunt mores & indoles suorum subditorum aliasque circumstantias, curet in Provinciis promulgare, & mediante hac promulgatione vim legi tribuere, postquam nempe notatum est justè nihil opponi posse novæ Legi in Provinciis exteris.

Dices. Hoc modo Leges Pontificia pendebunt ab Episcopis, & Prin-
cipibus sacerdotiis, datur occasio im-
pediendo promulgationem in suis terris, & præju-
dicatur uniformitati Ecclesiæ, ac obe-
dientiæ Summo Pontifici debita. *R.*
Pendebunt Leges Pontificia quidem ab Episcopis urarbitris & circumstan-
tiarum peritis informatoribus, ne
leges magis noxiæ quam salutares
introducantur, & quasi per vim im-
ponantur, quas provident verisimi-
liter non observandas, & vix obser-
vationem vel ne vix quidem sperari
posse apud suos subditos, non tamen
pendebunt ab Episcopis ut conlegis-
tatoribus, aut authoritatibꝫ potentibus
se opponere. Si sacerdotes Prin-
cipes

Ff 3:

cipes viâ facti, violentè, & sua potestate damnabiliter abutentes impedirent promulgationem novæ legis per Episcopos faciendæ, & sic vim legis, utique facerent contra omnes & obligationem; quod per accidentem est, ut per accidens foret, si prohiberent, ne subditi sui in suis terris observent legem novam Romæ promulgatam. Aliud est, si Princesseculares ex justa causa judicarent, legem novam Ecclesiasticam in suis terris non fore utilem, sed magis noxiæ, & sic deprecando promulgationem in suis provinciis impedit laborarent cum debita observantia ac reverentia erga Sedem Apostolicam. Uniformitas Ecclesiæ universæ quoad observationem omnium legum Pontificiarum nunquam fuit, nec unquam sperari poterit, cum multæ non quadrent pro omni Provincia & populo, multæ etiam pridem in quibusdam locis abrogatæ, multæ non quam usu receptæ &c. id quod futuris quoque legibus communi fato haud dubiè eveniet. Obedientia Summo Pontifici debitæ longè magis præjudicatur, si leges imponantur invitis sine prævia exploratione, an quadrent pro hoc loeo, vel an spes sit observationis &c. sic enim facilè continget, eas passim non observari, & sic graviter peccari contra obedientiam Pontifici debitam, ac si prævia exploratione circumstantiarum per novam in Provinciis promulgationem suaviter atque ideo majori efficacia introducantur, & tum primum

vim obligandi obtineant. Nihil fit contra obedientiam Pontifici debitam, si legem Romæ promulgatam non obseruent populi exteri, nisi Papa specialiter velit eos obligare kne nova in Provinciis promulgatione, ut &, si Archi- & Episcopi promulgare iusli informent Pontificem, in suis Provinciis & Dicecibus legem non fore utilem, & sic promulgationem specialem modestè deprecentur.

Reliquæ, que in contrarium adducta sunt, facile concidunt ex huc usque disputationis. Ad 1. diss. Ante, habentur omnia legis novæ constitutiva pro locis, in & pro quibus promulgata non est. N. Ante. & Cons. Negatur pariter, mentem Pontificis ac intentionem esse obligandi totum mundum Christianum, casu quo Romæ tantum promulgatur nova lex, nisi id specialiter exprimat (si enim solum in mente intenderet etiam exteris provincias obligare, non verò exprimeret modo ab Ecclesia intelligibili, nihil ageret.) Ratio negandi ista patet ex dictis. Ad 2. non est necesse, ut detur specialis Lex Ecclesiæ requirens promulgationem in Provinciis, modo non detur lex hujus promulgationis necessitatem specialiter & disertè negans jam sufficit, quia Leges Civiles requirunt necessitatem talis promulgationis, quas Ecclesia etiam quoadhoc generaliter acceptavit, non statuendo contrarium, v. c. I. de N. O. N. imo & specialiter approbavit in Bulla Pii IV. se referentis, & rationem pro-

mulgationis novæ ultra Romanam facienda fundantis in Jure Civili. Id quod confirmant c. 13, cit. de Penit. Identitas rationis, quæ æquè reperiatur in Ecclesiasticis atque in Imperialibus Legibus, item convenientia & conducibilitas ad suavius regendam Ecclesiam, idem corroborant. Ad 3. Quando Pontifices specialiter exprimunt, se velle, ut in Provinciis quoque promulgetur lex nova, non faciunt exceptionem à communis regulâ, sed novò exemplô confirmant, quòd se Juri Civili velint conformare in suis Legibus. Ad 4. jam satis est suprà annotatum, concordiam omnium fidelium nunquam fuisse, nec sperari deinceps posse quoad observantiam omnium legum; cùm multæ in quibusdam locis abrogentur, multæ nunquam recipientur &c. Dein in cordia & uniformitas ista per sententiam oppositam non tam promoveret, quam impeditur; cùm leges solùm Romæ promulgatæ passim in Provinciis vel non satis innoscent, vel non observentur. Et hinc oritur longè major confusio, d'fformitas ac perturbatio Ecclesia, præsertim quoad leges pœnales, irritantes, casuum reservationem statuentes, revocatorias &c. Ad 5. dis. Ma. Praxis, consuetudo, & stylus Curia Romanae sic habet, pro foro externo judicantis & punientis conformiter oppositæ sententiae tanquam probabili. trans. Ma. Etiam aliorum tribunaliū extra Curiam Romanam, aut pro foro etiam interno, quasi in con-

scientia non liceret nostram sententiam æquè, imò magis probabilem tutâ conscientiâ sequi. N. Ma. Dixi, trans. Ma. vehementer enim dubito, & in nullo Authore reperi, Praxim Curiæ Romanæ etiam esse in casu, quo quis Romæ litigans allegaret nostram sententiam habitam pro verè probabili imò probabiliori, vi cuius in aliis provinciis existens, in quibus non fuit facta promulgatio Legis, séque illâ non obligatum fuisse dicere, vel assereret se hanc legem propter defectum promulgationis in sua provincia facta semper ignorasse, & ignorantium suam fuisse inculpabilem. Nec enim video, quo Jure talem condemnare possit aut punire Curia Romana, cùm ob probabilitatem nostræ sententia (quam scit à multis defendi ac teneri, nec reclamare Pontifices) convinci nequeat, quòd sit reus, quòd contra legem, tam probabiliter in suo loco non existentem, egerit, vel deliquerit; aut quod legem Romæ duntaxat promulgatam sciverit, vel culpabiliter ignoraverit. Quo paèlo contra talem causa decidi poterit, pœna dictari? Cùm obstant communia inter Jurisperitos & Theologos recepta principia, vi quorum nemo condemnari, vel puniri possit, nisi per legitimas probationes convictus aut confessus, & quem nulla iusta exceptio defendit: ego certè non auderem. Unde probatur in tali homine culpa vera, vel præsumpta, præsertim pro foro interno? Illa non-neminis annexa admonitio, vel

vel adhortatio, intempestiva videtur esse, nimis lcrupulosa, nec satis fundata (ut quorundam censuræ adversus nostram sententiam nimis præcipites, & ignorantiam nostræ sententiæ fundamentorum indicantes) nihil me movet, sed potius in adversarios quadrat, qui longè duriora, magis que difficultia, ac aliena à suavi Ecclesiæ regimine debent admittere secundum hucusque declarata, immo multum habent negotii, ut proxim & stylum Curiæ Romanæ, quem identidem jactant, ita illimitatè & pro utroque foro à se admissum defendant, atque ostendant, quo pacto exterrit, tam justa & probabili exceptione munitum, qua opponit, talem constitutionem, ex qua decidere causam, & se condemnare, vel punire molitur: in sua patria & provincia promulgatam non esse, adeoque non existere ob defectum partis constituentis vim obligandi, iustè possit condemnare vel punire.

Ad propositum casum objicies adhuc, quod ille Reverendissimus, de quo in specie facti, ut plurimum ursit, hoc modo: Ex mea response, quam Reverendissimo dedi, scilicet ipsum potuisse quidem, at obligatum non fuisse, extradere ex asylo reum homicidi meditati juxta Bullam Benedicti XIII. sequitur, eum potuisse sequi legem non existentem contra legem existentem; nam lex seu Constitutionis Gregorii XIV. privans asylolum proditorum, non verò mediatum homicidium committentes, in

Germania existit; lex autem seu Constitutionis Benedicti XIII. in Germania non existit; quia lex non debitè promulgata non est lex, utpote carens constitutivo essentiali, utrabit communior & mea quoque sententia. 1. Veram nihilominus fuisse meam responsum ex duplice capite. 1. quia licitum est se conformare probabili sententiæ, consequenter & licet potuit iste Reverendissimus amplecti sententiam oppositam, quæ dicit, legem Romæ duntaxat promulgatam existere & jam dari in & pro aliis provinciis, in quibus non est promulgata; obligatus autem non fuit eam amplecti, & ideo extradere reum ex asylo, cum potuisse sequi nostram sententiam, ex quæ vel magis probabile, juxta quam non existit lex nova in Provinciis non promulgata. 2. quia existentes in exteris Provinciis nullibi prohibentur acceptare legem Pontificiam apud se non promulgatam, sicut nulli jubentur acceptare: ergo licet potuit (citra obligationem tamen) iste Reverendissimus ultronea acceptatione sequi legem & Constitutionem Benedictinam, Romæ & postea per Concilium in tota Italia debitò modò promulgatam; ac certò, si forsitan causa fuisse Romanam, & ipse propterea delatus, viciisset, ac ibi apud legitimum Judicem assistentiam invenisset pro foro externo, ac proin etiam in interno tutus fuisse, sicut tutus fuit extradendō.

TITU-